

續修盧氏縣誌序

古莘處豫省西陲水秀山靈聞人輩出予
以光緒辛巳司鐸斯邦屢欲借閱誌書以
窺邑中之名勝而編殘簡斷完璧無存蓋
自乾隆戊辰以迄於今一百四十餘年舊
乘之失傳者久矣去歲韓紫垣明府思為
重修之舉令及門諸生極力採訪乃未及
歲事作記玉樓其嗣君整理遺書又並携
草藁以去幸

霖翁郭老父台以今春三月接鈐視事念前任之未畢厥志也重新採輯歷數月而成編予因分任校仇熊洛之所鍾毓得以備覽竊嘆政治之得失彰人文之盛衰見民物之利病昭上足以備採於輜軒下可以垂型於里巷美哉斯舉非直盧民感戴不能忘韓公有靈冥冥中當亦有深為首肯者矣且盧誌之修已三次惟最後襄事之人若莫曜孫朋從兩孝廉靳維新王之

壁兩副貢賈來宣周肇基兩歲選與廩生
劉用羽馮世倬增生張恕監生王柱等名
尚可稽前此則編訂者何人分修者某氏
風流雲散渺矣無傳茲值將付棗梨諸凡
更始因為述其大畧亦不没人善之意云
爾

光緒十八年壬辰嘉平月教諭劉棟樑題
於首宿齋

續修盧氏縣誌敘

康熙壬寅邑令任允升始創修盧氏誌謝令修從重修於康熙甲戌李令建中重修於乾隆丁卯前後未及百年經營業已三次而風流雲散缺畧仍多迄於今又一百四十四年矣烽煙屢起飢饉荐臻欲令考畧徵文補苴罅漏恐用力多而成功少難莫難於此也余自下車伊始時以修舉廢墜為心維書院之興為急邑乘一書尚有

志而未逮然上欲備廊廟輜軒之採下欲
悉民生利病之源非於舊誌增加之將年
湮代遠聞見日稀事實所存草木同朽未
免蹈固陋之譏且耕莘古地熊洛鍾靈生
其間者往往多奇人傑士而官師之仁心
善政歷代尤卓有可傳向令明季以前舊
乘仍在取而讀之當更為土地人民生色
不僅如任謝李三君所誌云云也惜乎求
之而不可得即三君所誌板亦燬於賊氛

所餘斷簡殘編字跡幾沒滅不可識則今日之續修其得已乎哉夫各邑誌書體例不同而要以若網在綱有條不紊為可貴前令李君重輯時蒙州憲蘭陵龔公發付洛陽縣誌全部復頌道憲京江張公誌規八則其法甚為簡明茲為續修之計仍各歸各門不復另發凡起例存舊續式先型也但綜古核今宜具卓識廣採約取宜具精心予以案牘間冀成盛舉貽譏蚊負所

不違辭惟望二三同志闕疑殆去偏私頌
長吏勿諛傳先達勿侈紀名勝勿煩瑣據
文詞勿浮蕪分星野考因革勿混淆傳會
褒貶務存公道竄改勿任潛加庶幾為一
邑之成書即可為百年之信史循名責寔
繆妄胥捐是則區區之所日夜圖維而不
少寬假者也事經十旬規模粗定至各鄉
採訪別有見聞倘蒙陸續送局以備彙登
余尤有厚幸焉爰撮其大畧為之敘

光緒十七年南宮紫垣氏韓矩撰於藥州
官廨

盧氏縣舊誌李序

蓋物以積久而盛事以歷久而傳世際昇
隆當重熙累洽之餘其旣培涵育者既深
則披拂發揚者益茂物華滋而生事繁凡
在郡國筆而紀之各彙成書昭示來茲以
著盛美之休為太平之潤色即下邑未吏
固罔敢以因陋就簡從事也則近日之誌
是已夫郡邑之有誌非徒辨疆域攷山川
也凡兵農禮樂胥於是乎記而物產有豐

耗人事有興廢政治有得失風俗有澆純
消長異時今昔異勢將使牧其土者酌量
於升降之際變通乎神明之間則惟誌之
明備徵信展卷歷歷而後四郊情狀畢萃
庭墀萬姓隱瘼籌諸掌握是誌之當續修
也所係豈淺鮮哉盧自前季寇亂數遭兵
火不特人煙息絕即斷簡殘編亦成煨燼
以故舊誌無存迨

國朝蕩平區宇康熙元年任令首事纂修文

獻無稽寥寥荒葺至二十三年謝令因復
續修虽是時承平已五十年瘡痍既起而
撰綴較增搜羅仍缺迄今又五十餘年矣
皇上纘承休緒恢

列聖之宏模邁百年之景運堪思汪濊厚德弥淪
凡山陬海澨民樂其業官守其箴綱舉目
張型仁興讓則物產有豐而無耗也人事
有興而無廢也政治美而風俗純也太和
之氣翔洽中天履其盛者將大書特書而

不一書也於是統誌既已刊布而郡邑誌冊亦俱奉

檄纂修余粵西下士任盧半載值此重委夙夜凜惶念盧之舊誌既已灰滅前虽兩加修補絕未詳備今縱欲收集遺亡而自維寡陋每帳靡及幸

道憲京江張公

州憲蘭陵龔公皆推博物宏覽學老文鉅預發誌規典型足式余因敦聘明經秉筆並

設館餽延邑之紳士廣為摺掖而邑人生
當

盛世霑濡洪深又

各憲勤宣德意與之休息故閭閻皆得寬然
有餘俯仰伏樂逢此鉅典恣思表暴幽隱
增美粉榆競出藏冊投供採擇或履陡陟
岩墟莽殘碣間苟有昔賢遺跡亦必拂拭
而出之共耀光明日積遂多猶不敢妄為
臆入務求謹若不支不漏與

憲規允合然後登冊三月完稿迺呈

憲裁其亦幾經詳慎矣蓋邦紀既修則治体
乃立往跡燦著而藉鏡有資後之覽者其
於物產人事政治風俗之際所以驗豐耗
覘興廢考得失徵純澆按藉而稽固不啻
燭照而數計也夫盧當省之西陲僻處深
山民生不見外事樸厚純良上而荷
聖朝之長養下而感

各憲之撫循從風向化在在可誌且能於文

湮獻替之後羣才合志共探幽隱成一邑
之典章佐太平之官禮孰非

聖世功德之隆積累之久以馴致於斯與則
誌之成也未吏亦幸遭昇隆之慶藉手以
殫厥心焉已矣

乾隆十二年五月下浣知盧氏縣陸川李
炘撰

盧氏縣舊誌謝序

邑令謝廷爵曰郡邑之有誌猶國家之有

史也

今天子欽命內臣纂修

三朝國史廣取天下賦役河渠各項條例因革
損益載入編內不厭精詳愈知若郡若邑
之誌宜急修而不可廢也盧自寇燹之後
人民逃竄田野蕪蕪文籍俱焚老成凋謝
舊誌久已不復存矣幸冀北任令集諸紳
士各出已見彙成一書雖簡樸少文而典
型猶在爵不敏已己秋來撫是邑見風俗

之舛鄙地利之瘠薄士民衣食之粗糲形容之枯槁真有目不忍擊者凡有關於

國計民生罔不為之經營籌畫其間政事之宜因仍典禮之宜復舊者每一考之志紀非荒畧難稽即亥豕莫辨未免有不純不備之憾焉以故修誌之舉時存胸臆忽值前

大中丞閔 開府中州首修省誌復飭各屬重加增輯爵捧檄欣然隨鳩紳士於庭議

延歲荐理學新君以司纂續爵不揣固陋
亦偕 杜雷諸君論定之逾三月而草創
成時

郡伯汪 以木天重望

特簡宏農於案牘之暇親為披閱俾得刪
繁就簡潤色加詳質之

中丞當蒙許可祇以疊罹災祲日事弥維
未獲付梓今幸歲時稍稔復荷

大中丞顧 將通省漕糶親行辦運兼之

各憲風清令肅私派禁除民無重累官有餘
聞特再參考捐資鏤刻惟虞草率遺譏敢
謂奉行無過若夫証今博古踵事增華爵
有志而未之逮也請以俟後之賢者

康熙三十三年歲在甲戌仲春之吉

盧氏縣舊誌任序

盧氏縣誌創自何人修自何代一經寇殘
焚毀無存今不可考雖然藏之名山傳之
其人盧固人文藪其間彬彬爾雅留心斯

居上鼎言 卷一
道者固稱多有則誌書何可以無考也若
以考之前代自

清湖明興衰撥亂多歷年所其事雖有其文無
徵間有一二風聞未免殘缺失次世遠人
湮故即登之服章安知非疑以傳疑致令
後之賢人君子廢書而動妄臆之歎即以
考之近今安保無附會失實也安必皆據
事直書也事之真者不可傳以假事之寔
者甯容騰以處余恆陽拘儒冒叨賢書與

其考哀度務何如取正有道之為愈也又
何如取資古冊之為更愈也詩云不愆不
忘率由舊章殆謂是歟昔聞古人有言太
上立德其次立功其次立言此謂不朽志
垂不朽亦以立言之謂也附會可謂不朽
乎直書可謂不朽乎直書不朽則附會可
以不載由是而立德立功未有不勒之史
冊著之篇章者志固志人亦以志己已亦
何功之有哉已亦何德之有哉余初蒞此

土恐不能為慮民興利恐不能為慮民除
害蒿目時艱痛心疾顛悚息靡甯居今之
職度身度世若欲興民之利勢必四方襍
至輻輳鱗集遠近相通庶衆擊可以易舉
凋敝可以無虞斯稱無曠土若欲除民之
害勢必貿遷有無出入息本末兼舉庶
粟以通金之窮金以濟粟之用斯稱無曠
民不然未有不坐困者未有不旋墮者欲
以改觀起色惟在生聚教訓徐圖開墾而

已然而盧誠有莘之野伊尹曾耕耘不輟
樂道安貧後虽時異勢殊漸為虢仲之墟
民固未始不務農也至於人文蔚起科第
接踵

國朝以來崇文重士風氣丕興山川之靈歟物
華之秀也所遺憾者前朝官師選舉多有
未全而古蹟無存廟宇傾圮名碩既往藝
文亦湮間有片紙隻字不過灰燼之餘何
足以為傳世之書故必訂以古人之行綴

屋上果言
以近今之事乃為成編毋惑乎據寔者少
而附會者多更何足以入

當時之目也欲垂不朽者當必全美並集萬
善駢臻端有俟於博物君子矣

康熙元年歲次壬寅孟春之吉

鹿泉任登級允升氏題於思補堂

盧氏縣舊誌宋序

誌之為書大矣哉凡在天而成象在地而
成形與夫世代之更遷法制之沿革風俗

之純澆人物之臧否莫不畢載之於誌為
政者不待省方問俗而後操移易之權也
但念盧乃號公舊國山高而水長古聖先
賢名公鉅卿往往發跡於斯豫昔推為名
勝之區何反稽之邑象而不勝遺缺之感
也攷其故皆因流寇盤踞典籍盡焚致使
傳世之書亦成灰燼雖有

獲鹿任侯草創於先正待名賢繼起修舉
於後庚午歲幸值

大中丞閔 檄令郡邑各加增修維時

謝老父台以邦江大雅出宰伊川禮延博
通之士不憚訂正之勞未幾稿成進之

郡伯汪公復用筆削而煥然聿新矣此虽
賢良之聚會實為文物之遭逢俾往哲之
芳徽近今之懿行缺而未書者亦得闡發
幽光而表揚千古

公之功大矣美矣殆與邑之誌俱永矣壘
來也晚未獲仰贊一詞而分屬編氓濫叨

司訓安能不敷言簡末以紀其勝哉敬為
跋

康熙三十三年歲次甲戌仲春之吉教諭
宋學頓首拜撰

盧氏縣舊誌杜序

誌者誌也所以紀一邑之事也未審創於
何代余嘗讀尚書至萬貢見山川之源流
田賦之上下地色之赤黎以及羽毛齒革
之微鏐鉄銀鏤之屬出之某某詳載於經

禹復鑄鼎以垂不朽此即九州一大誌書也厥後國有史家有東郡邑有誌莫不祖此而推廣之獨是誌之為書義類甚多文辭頗繁要之不離古文者近是義川居豫之西陲環盧皆山明季流寇猖獗盤踞於斯者有年故舊文悉成灰燼老成殘於銅馬文獻無存將何所據以考信乎識者憂之懼失傳也幸

章皇帝之十五年

特簡異北任侯來宰茲土謂典籍散失徵
信無從守令貴也爰集父老於廷諮詢故
事彙為一編此特披拾其大概其中原委
尚闕如也况歷今四十餘年而忠孝節烈
之大田地戶口之增天道變易之故風俗
純澆之異其為湮沒可勝道哉故修誌為
今日第一之要務也

邑侯謝老父台廼維揚名雋學並歐蘇才
媿班馬下車時見盧誌因陋就簡即思所

以增修之以光盛典忽承

大中丞閔公節制天中修省誌上佐

聖天子文明之治復檄各屬皆為重修

侯欣

然曰此吾之志也夫此吾之志也夫即延
邑之博雅者與之共襄此舉吾友歲荐新
子諱柱明號竹居者博及羣書學成淹貫
吾党具有通人之目 謝侯禮聘之乃自

為總裁務使疑者闕之信者載之殘者補

之後者增入之凡星經疆域之事人物山

川之秀名宦鄉賢之遺隱逸方技之流所
載種種不一莫不條分縷晰厯厯如指諸
掌其文典而雅簡而該蔚然成一代之全
書矣草創成 侯又自為考訂恐遺漏也
然後付之剞劂其紙札工價之費悉捐俸
以償之絲毫不累民間是役也上之潤色
皇猷可備輶軒之採下之化民成俗聿彰盛世
之謨甚盛舉也余為邑人不敢辭固陋聊
敷數言弁簡末

康熙三十三年歲次甲戌仲春吉旦
賜進士出身原任吏部驗封司員外郎治
年家弟杜桂頓首拜撰

盧氏縣舊誌新序

一代之興必有一代之史以徵信後世由
來尚矣顧有國史即有小史如書之禹貢
周禮之職方以及山海經地理誌之類比
物此志也蓋盛世山河表疆域之興隆版
藉徵人物之康阜法制傳紀綱之美善使

有美弗傳或傳矣而弗信其何以昭示來
茲哉故厯代以來不惟通都名郡有誌雖
彈丸之邑亦各有誌也我

朝定鼎統馭無外絕域窮山罔不同文同軌
世祖章皇帝生聚教養已臻雍熙

今上御極於國計民生尤如意焉南巡北
幸慶讓無私一時內外臣工無不仰体
皇仁爭先砥礪以共勦昇平猗歟休哉惟
時我大中丞閔公以京兆重望

特旨撫豫凡潔已約屬恤漕惠民月課造
士諸善政指不勝屈也復搜羅遺編咨訪
掌故禮延宿儒於嵩陽書院重修省誌因
通檄郡邑各修紀乘以備採擇真千載一
時也又際郡伯

汪老公祖以翰苑名儒出守中州即轉檄
一十四屬並頒發

憲定成式而我盧氏縣亦得隨縣例以例之
顧盧之為縣抑亦僅有縣之名而已錢糧

戶口較之各屬十分之一耳無可誌也城郭社稷荒涼如無人之境無可誌也其他有山水而無名有人物而失考舉無可誌也故他邑之誌常病其繁而盧邑之誌反苦其簡其在舊誌亦已然矣雖然盧邑荒殘固不足輕重而寔大有關於全豫焉蓋盧地北通秦晉南接襄鄭明季失馭盧城不守而全豫相繼告警任茲土者安可以曩尔而忽諸幸逢

謝老父台才高班馬學富歐蘇適為盧令
與汪老公祖居同里學同業仕宦同方雖
一時文章之際會真千載典故之遭逢一
承修誌之命召予言曰予承乏茲土此予
之責也顧析疑考信之典非倉卒所可辦
以簿書鞅掌之身誠恐欲速則不達無以
副憲台之嚴命君其為我草創焉予學識愚
陋懼不勝任乃分屬編氓而且久沐德誼鉛
槧之勞又焉敢辭於是按之前誌搜集紀

載博覽者碩編摩幾閱月乃成帙焉較舊
誌雖少有增益然惟期於傳信疑者甯闕
焉至於其中條分縷晰寔有賴於
憲頒成式非敢專也又蒙

謝老父台之詳加裁成雖不敢比之於史
而於古人之直筆或可以告無罪云尔後
之君子有藉以為指掌之資者庶幾鑑子
之苦衷乎

治年家晚生靳柱明頓首拜撰

廬氏縣舊誌杜跋

誌書之設其來舊矣是不徒廣輿有記一
統有誌而郡邑亦自有誌誌之為言其即
稗官野史之遺意乎古者太師採詩以觀
風司市納價以達志蓋將訪之故老詢之
輿論亦以補經義所未逮而非有所鑿焉
者也况其履斯土者不能識世運之盛衰
民情之紳澆風主之汚隆與夫山澤之高
下景物之華奢官師政治之升降一一採

擇而去取之亦安敢自附於著述之林乎
雖然著述之道亦難言矣其間搜索貴乎
精密編紀期於攸當準今酌古出人意料
方稱無弊不然牴牾為文舛錯成章誌則
誌矣於治術又何當焉即以盧之約畧言
之當時盧敖登仙於蒙谷扁鵲神匠於秦
君非所稱曠世竒邁與伏羲畫卦於負圖
孔子窮源於洛水非所稱神聖事興與甚
而伊尹躬耕於莘野虢仲治化於熊峯非

所稱人傑地靈與後雖時移勢殊山川依然人物聿新名宦隱逸土產畜擾科貢貞烈更有不可殫述者安在盧之非其志也與康熙元年壬寅仲春教諭杜永昌題於首蒼齋

重修盧氏縣誌姓氏

總裁

頭品頂戴華豐縣院右副都憲撫寧等處總督銜副都憲務並駐清寧兼理河道裕寬

提督 河南全省 學院翰林 院編修 邵松年

頭品頂戴河南等處承宣布政使司布政使 廖壽豐

二品頂戴河南等處提刑按察使司按察使總理通省驛傳事務長 祿

二品頂戴按察使銜河南分守糧儲鹽法道 王維翰

按察使銜河南分巡河陝汝道兼管水利驛傳事務世襲騎都尉 沈守廉

知府 銜 陝州 直隸州 知州 周晉望

總修

同知銜候補直隸州陝州直隸州盧氏縣知縣 郭光澍

贊修

乙酉科拔貢聯捷舉人 李旭春

分修

癸酉科舉人 雷思敬

乙酉科舉人 張玉麟

乙酉科舉人 李葆復

己丑科進士 李進祿

總校

盧氏縣儒學教諭 劉棟雲

癸酉科拔貢 李宣義

分校

廩生 李富春

生員 張鵬翰

廩生 李恆春

生員 劉玉圃

採訪

卷之九 姓氏

歲

貢

生

李承恩

廩

生

張鳴岐

廩

生

莫崇德

廩

生

劉藩

訓

導

陳九官

生

員

郭經著

監

生

雷翕受

廩

生

秦鳳鳴

廩

生

莫蔚峯

廩

生 郭

生

員 耿价

生

員 李霽月

廩

生 常來宣

恩

貢

生 李宣光

監

生 任書名

廩

生 孟士選

生

員 常愷

生

員 駱鴻遠

增

生 宋 璵

生

員 傅作霖

廩

生 段 英

監

生 申九思

生

員 莫熙皞

乙

酉 科 武

舉 馮開泰

六

品 軍

功 段永齡

監

生 魏庚寅

例

貢

生 王化洽

歲

貢

生

杜廣智

校刊

守

禦

所

千

總

王景祚

監

生

張馨

督刊

理間銜署盧氏縣典史候補縣丞

沈煥

繪圖

監

生

張鵬九

重修盧氏縣誌凡例

樓峯郭光澍霖三氏編次

我

朝休養二百餘年文教覃敷無遠弗届統誌久布成書至
省郡州邑之紀亦有誌乘盧處山僻明季慘遭寇火
舊誌灰燼順治初年方始議修十五年乃少創起凡
例至康熙三十三年續修於邑令廣陵謝公博收廣
葺正舛去訛視舊誌已大改觀乾隆十二年陸川李
公任盧適奉檄纂修邑誌於燼滅之後搜闡無遺纂

而輯之一時興章稱大備矣顧迄今垂百四十餘年
中間迭罹災侵寇燹頻仍文湮獻替之餘廢墜可勝
慨哉往歲南宮韓公宰此慨然有志增修屬邑紳之
有學者勦其事稿甫就而遽作古人今年復奉

上憲及時修補之檄用是恪遵成模勉事仇校竊效顰
於諸君子之後焉

一誌規八則一体裁定局式也二界限清疆畔也三詳
畧尚簡該也四棄取審決擇也五取材廣延攬也六
徵實去浮僞也七隱括戒罣漏也八慎覈謹冒濫也

大規既定衆矩聿分

一洛誌分十六門二天文二地理三山川而以陵墓附
山渠道附水以類從也封濬而後繼以壞賦仿禹貢
以田賦次之民康物阜教化可興故學校次之學校
興斯祀樂舉故祀樂即次之陶淑有資羣材競奮故
次及選舉人物又次選舉者以人物非選舉所能盡
也男教婦德古今並重故列女即次之人物之後教
養羣倫有司之責下之赴原於上之倡故次以賤官
同一賤官也而循良忠義非止以名位而飲香名故

職官中另標宦蹟焉至祥異者由人而生因政而見者也故列職官諸門之後若古蹟以資考覽供憑弔實開藝文之先聲而廟宇亦有流傳自古者故連類及之藝文道德之餘緒外紀又藝文之支流用殿諸末亦古先行後文之意此洛誌之大畧也撮綱絜領有倫有要而綱領之中亦復各分條目巨細不遺原委周悉故盧誌因之不復另起凡例

一舊誌修於乾隆十二年其時羣才合志表暴幽隱亦云大備第至今越百四十餘年民生物產益滋繁庶

邑人士寬然優暇思以表章前烈爭出祕本且棧於
幽岩絕壑荒隴斷碑間追摹拂拭列之簡編倍增於
舊遘其時爾

一古稱三不朽太上立德其次立功其次立言皆足焜
燿當時輝映後世此其芳規懿躅不妨數見叠出卽
世遠人遙而流風餘韻有一於此亦如吉光片羽掇
拾恐後所獲已多

一盧自前明寇火頻仍舊誌煨燼往昔紀載殊屬寥寥
秦漢唐宋以來無論矣卽有耿氏父子功名彪炳亦

絕無所留遺近明史出始撮錄其二傳又搜得墓文
制誥數篇大爲簡冊生色

一孝爲百行之原行仁之本士人家讀書知道行孝顯
名固已顧閭左耕耘之子特以孝行著稱官府旌之
鄉里重之生榮死哀此尤其難焉者如邑之王孝子
歿二百有餘年至今猶專祠以祀春秋有司致祭故
爲之立傳畧紀其行誼用深嚮往之慕

節孝風化攸關旌典宜崇凡閨房婦孺克知慕義操
行或以孝事或以節守或以烈殉其前經旌獎者固

已登冊卽或弗及報聞而歿者已屬完節以至年與
例未符事與令或隔亦爲覈實酌量採錄不至沒其
本意

一藝文固宜博取亦非濫收惟其有關係而尤雅馴者
乃以入誌否則不載

一舊誌未登詩章古者太史陳詩輜軒採風由來遠矣
詩之爲教長言咏嘆往往藉山川草木以寫其衷之
所難言而人事風土之美惡禮樂政治之得失皆可
於言舛求之故詩非徒以飾觀美悅聽聞實斯人性

情之所見端也虞書云詩言志歌永言声依永律和声因取其合於声律者登諸篇附於藝文

一盧鮮載籍前季兵火灰劫故書罕存今虽極爲搵撫而深山窮谷之中猶恐遺漏不少後有復出統俟續入

以上則例聊舉大凡至其中綱領條目部分縷晰層出散見前合韓公敦請邑孝廉李子曉亭秉筆增修併延邑紳有道而文者參訂考校互相折衷蓋誌乘重典亦極盡詳慎之心云尔棲峯郭光澍霖三氏識

重修盧氏縣誌總目

卷首

圖考

卷之一

天文

卷之二

地理

卷之三

山川

卷之四

田賦

卷之五

學校

卷之六

禮樂

卷之七

選舉

卷之八

人物

卷之九

人物

卷之十

列女

卷之十一

職官
宦蹟

卷之十二

祥異

卷之十三

古蹟
寺廟

卷之十四

藝文

卷之十五

藝文

卷之十六

藝文

卷之十七

藝文

卷之十八

外紀

城沁山川全圖





城池山川圖說


靈在前期城高池深山川明秀名號大邑
經馮寇蹂躪之後康熙嘉慶間城池兩經
修濬視遺蹟加倍井里名頗繁昌迺日消
月削同治初又寇蹤頻仍合境頓形凋敝
今則培植復慮卅餘年士氣民風漸就整
理氣象煥然聿新城踞萬山之內四面層

巖疊翠岡嶺如環而一川泓水繚繞其中
來無端而玄覽迄風景猶是昔日之勝守
土者更加以按循則金湯永固山水鍾靈
雖武陵仙源何多讓焉

霖三氏郭光澍

東

北



賑貧院

樓

井

東大巷

城守營

守府署

廟

廟

祖師廟

廟

廟

廟

廟

廟

蔡家巷

井

大成殿

廟

廟

廟

廟

廟

廟

節孝祠

廟

廟

廟

書院

廟

廟

廟

廟

魁樓

廟

廟

廟


廟

廟


廟


廟

城池全圖



縣署全圖





文廟全圖

書院



舞臺



名宦祠



崇

大



戟



泮



櫺




照



三眼井





井園



前廳

東文場


公至

龍門

考

照

東轅門




考院全圖

九星聯珠



古紫城



西文場

堂

口



院

西轅門



壁

書院全圖



大成殿



戟門




泮池



櫺星門



三眼井



八景圖詩

東澗瀟橋



東澗瀍橋

東望瀍漫盪客眸澗瀍二水若爭流孤帆
縹渺疑成幻夾鏡空明并作秋征雁遠隨
堪策馬長虹倒卧不驚鷗當年營洛曾經
否我欲問將舊冊搜

霖三氏郭光澍

高村古渡



高村古渡

河窄峯環勢若吞
依依楊柳擁高村
舟楫一葉臨流駛
水漲三篙帶岸奔
估客詎曾聞白晝
歸人生怕近黃昏
喚聲不住爭先濟
孰與同心問洛源

霖三氏郭光澍

南 寺 曉 鐘

文山




南寺晚鐘

古寺山南信絕塵
梵音聞寂夜將晨
不聞雞唱荒村遠
忽送鯨鏗福地鄰
清響一聲先衆籟
高眠幾輩悟前因
我身自愧無仙骨
俗吏襟期在化民

霖三氏郭光樹

西霞晚照




西霞晚照

壁立西峯直接天，餘霞散綺夕陽前。
晴烘郭外詩情觸，軒舉林隈畫本傳。
片片紅飛雲共捲，迢迢碧落月爭妍。
翻疑閣與滕王近，孤鷺齊飛破暝烟。

霖三氏郭光澍

洞庭明月




洞庭明月

洞庭極目色晶瑩
明月誰云海上生
不比桃源仙路隔
應知桂窟異香盈
一輪皓魄當空轉
百尺寒潭澈底清
此地雖非鄰楚
粵望湖也合酒杯傾

霖三氏郭光澍

柳林烟霧



柳林煙霧

滿林霧鎖並烟縹簇簇門非五柳陶百丈
游絲聯不斷十條密蔭護真宰添來蓋翠
雲容注漏出輪紅日影高路曲遙通幽徑
接聽鷓載酒興偏豪

霖三氏郭光澍

熊山積雪

重修系志

圖考




熊山積雪

熊山路曲繞羊腸皎潔明
添積雪光突兀
峯尖成玉琢迴環嶂疊盡
銀裝暝烟互映
斜陽外凍瀑相清古洛旁
最喜衝寒梅徧
放幾番撲鼻送清香

霖三氏郭光樹

鐵嶺層雲



鐵嶺層雲

鐵嶺浮雲變古今登臨此日快幽尋馬頭
近傍生相並熊耳遙連望轉深直上于霄
欣有路等閒出岫本無心崇朝一雨徧天
下秦岱應同用作霖

霖三氏郭光澍

重修盧氏縣誌卷之一

樓峯郭光澍霖三氏編次

天文

分野
麗屬

次舍
占候

傳云天垂象聖人則之星辰之麗天彰彰較著蓋天有十二垣次地亦有十二方位此虞書十二州所由

肇也故卽一州一邑之區各有星分其纏次疾遲伏

見徵應類昭天象兆於上卽人事感於下矣得失休

咎豈或爽哉洪範言庶徵而星有好風好雨以况民

情心存民瘼者其於垂象之符宜何如之省驗與誌

天文

分野

周禮保章氏以分星觀妖祥星經云十二月次乃日月所會之處日月一歲十二會故有

十二次十二分野即

辰次所臨之地也

柳七星張周三輔宏農入柳一度

魏太史令陳卓

柳在輿鬼東又接漢源當商恪之陽接河南上流唐

文志

午宮星張三宿屬周三河

象占通考按南方朱雀七宿其第三宿曰柳柳之

屬爲酒旗午宮專屬河南分柳星張洛屬七星而

柳爲近之若張又屬南陽一帶通志三河之域

於河南府爲洛陽鞏縣偃師孟津新安澗池宜陽登封嵩永甯於陝州爲盧氏閿鄉靈寶於鄭州爲

榮澤滎陽河陰汜水於禹州爲密新鄭於南陽府
爲南陽鎮平泌陽唐鄧州內鄉浙川裕州葉舞陽
於汝則爲魯山
邦寶豐伊陽

河南之河南府峽州俱柳分

明史天文志○按此與舊志微異宜以明史爲

正○盧氏縣屬陝州柳分

自柳九度至張十六度爲鶉火於辰在午乃周之分

野屬三河宏農以西華陰以東比於河南均屬柳虛

隸宏農人柳二度

前志星精賦○按宏農入柳一度盧少西故入柳二度

柳宿圖

酒旗



尔雅味謂之柳孝經章句柳
天庫也一日天廚南宮侯柳
天府也一日天相一日天大
將軍一日注隨丹元子步天
歌柳八星頭曲垂似柳近上
三星號爲酒宴享大醜五星
守○柳在黃道外十
二度今西曆增一星

次舍

按凡星一度二千九百三十二里七十一步
一尺四寸四分居之曰次曰舍守犯合門遲
留伏逆必於斯者之

南方赤帝其精朱鳥爲七宿井首鬼目柳喙星頸張

嗉翼翻軫尾

宋中興
天文志

星鳥之度一百一十爲鶉首鶉火鶉尾之次當未午

巳之辰

星經○宋兩朝天文志柳宿之度半在鬼東南距西第三星去極八十二度半酒旗三星

距西北星去極七十七度八柳宿十四度星宿在柳東南○王奕日帥曠禽經鶉鳳也赤鳳謂之鶉南方七宿取象焉○朱子辰天壤也每一辰各有幾度日月所會是爲辰注云一歲日月十二會所會爲辰此在天之位若以地言則南向而立其前後左右亦有十二辰之位但在地之位一定不易而在天之象運轉不停惟天之鶉火於地之午位乃與地合而得天運之正耳

柳爲鳥喙星爲頸張爲喙故總謂之鶉火

鶉首秦也鶉火周也鶉尾楚也

鄭司農周禮保章氏註

爾雅味謂之柳柳鶉火也

按邢疏柳南方之宿名南方七宿共爲朱鳥之形柳

爲朱鳥之口故名味味即朱鳥之口也鶉火柳之次名鶉即朱鳥火屬南方因名其次爲鶉火左傳

襄九年士弱對晉侯曰古之火正或食於心或食於味以出納火故味為鶉火心為大火是也

自東井十六度至柳八度為鶉首之次 自柳九度

至張十六度為鶉火之次 自張十七度至軫十一

度為鶉尾之次 後漢書郡國志 井九度至柳三度鶉首之次

也 柳四度至張十五度鶉火之次也 張十六度

至軫九度鶉尾之次也 明史天文志○按此與後漢書微異今從明史

十二宮黃道經度 鶉火柳宿十五度少弱 黃道緯度 柳南極一度半

弱 赤道經度 鶉火柳一百二十四度半強 赤道緯度 柳北極七度弱 赤道

宿度 周天三百六十度每度六十分 黃道宿度 柳一十六度

度零六分赤道交宮宿度張六度五十分八鶉尾黃道交宮宿度七

度五十一分八鶉尾○十二宮之名見於爾雅曰降婁大梁實沈鶉火鶉尾壽星大火析木星紀元枵姬訾宮有一定之宿宿有長居之宮而恒星既有歲進之差於是宮無定宿而宿可以遞居各宮其各交宮之黃赤道可分列也以上俱明徐光啟曆書

麗屬此通豫州以爲言因分野而連類及之但紀其繫於經次繫應不復載入者以地屬公同

事頗曠遠非邑乘所能親列也

鎮星主嵩山豫州天文則錄○古今星釋五行木曰

白水曰辰星五方木東火南金西水北土中央舊志三河天地之中其位屬土故鎮星主之○中興

天文志鎮靜也五星之行鎮星最遲二十九年而一周天故以爲鎮也

屋上鼎言卷之二
四
豫州屬上台

天中記○漢天文志魁下六星兩兩而比者曰三台晉志六星西近文昌二星

曰上台次三星曰中台東二星曰下台按上台二星起文昌下距北星去極八十三度入柳宿七度

三台一曰泰階天之三階又泰階六符謂六星之符驗也

占候 占星觀變紀載夢如錄其於本郡邑有驗者以後鑿前可資考覽其不列之祥異者祥異

廣羅禎孽此則專取天官家言也

柳星張三宿爲三月昏星正月在辰十二月在卯明章

演圖書編二十八宿逐月昏中位次

柳八星十四度土星也其北六尺爲日月五星中道

甘氏云王飲食倉庫酒醋之位明大則人豐酒食搖

動則太人酒死失色則天下不安飢饉流於道路不
過三年必應張衡云柳爲天之厨宰主尙食和滋味
史記天官書柳爲鳥注主草木孫炎曰注作喙朱鳥
之口柳其星聚也以主爲柳星故主草木階志云又
主雷而主木功星明大臣鎮重國安厨食具注舉首
王命興輔佐出星直則天下謀伐其主就聚則兵鬪
國門

酒旗三星在軒轅右角之南酒官之旗也主宴享飲
食五星守酒旗天下大醜有酒食財物之賜爵及宗

室

周

武王伐殷歲在鶉火歲之所在則我有周之分野也

周語 按漢書天文歲星所在國不可伐可以伐人武王至鄴之明年歲星順行與日合於柳留於

張程史

漢已下俱本各代正史及馬端臨文獻通考不復詳識所出

光武建武三年五月乙卯晦日有食之在柳十四度

柳河南也時光武在洛陽赤眉降賊樊崇謀作亂發覺伏謀 十年十二月己亥

大流星如缶出柳西南行入軫且滅時分爲十餘

如遺火狀須臾有声隱隱如雷

柳爲周軫秦蜀流星黃使星大者使

大星小者使小出柳入軫者是大使從周入蜀是時帝使大司馬吳漢擊蜀未公孫述是大將出伐殺之應也其如遺火分爲十餘是小將相隨

二十

二年五月乙未晦日食在柳七度

柳京都宿爲上倉祭祀穀也近

與鬼與鬼爲宗廟十九年中有司請立近帝四廟以祭之有詔廟處所未定且就高廟祫祭之至此三年遂不立廟有簡情心故示象也

三十一年五月癸酉晦日食在

柳五度

自二十一年示象至此十年後晏駕

明帝永平八年六月長星出柳張三十七度犯軒轅

刺天船陵太微氣至上階凡見五十六日去

柳周地是

歲多雨水郡
十四處傷稼
十六年五月戊午晦日食在柳十五

度

儒說五月戊午猶十一月甲子也
又宿在京都其占重後二年晏駕

順帝永建二年六月丁巳彗星見東方西南指營室

及坟墓星丁丑在奎一度癸未昏見西北厯昴畢甲

申在東井遂厯輿鬼柳七星張光炎及三台至軒

轅中滅

張爲周滅於軒轅中爲後宮其後懿獻后
以憂死梁氏被誅是其應也餘詳後漢書

桓帝嘉熹元年五月丙戌晦日食在柳七度

梁冀列傳常侍

徐璜白言臣見術家常言漢死戌亥今太歲在丙戌五月丙戌日食柳宿朱雀漢家之貴國宿分周

地今京師是也史官上占去重見輕璜詔太史陳瑗詰問乃以寔對冀恐瑗不爲諱發其短收杀獄

中

晉

武帝咸甯五年三月星孛於柳

占日外臣陵主柳又
三河分野明年吳亡

入洛是
其應也

成帝咸康四年四月己巳太白晝見於柳

穆帝永和十二年七月丁卯太白犯鎮星在柳

占日
周地

有大兵其年桓溫伐苻堅退
因破姚襄於伊水定周地

孝武甯康十二年六月癸卯太白晝見在柳 十四

年己巳太白晝見於柳

北魏

宣武帝永平元年六月庚辰太白歲星合於柳

柳爲周分

占曰有內兵以賊諸候

唐

高宗永徽元年七月辛酉歲星太白合於柳

代宗人曆十年七月庚辰太白辰星合於柳

宋

英宗治平二年八月己亥火犯水纏柳七度半

占曰秦分

有兵謀亦爲赦令按今柳七度乃在周分

太祖開寶元年六月華山柳長四尺踰四旬而滅

徽宗宣和元年三月丁卯星出柳如盂東北急流入

太微垣赤黃有尾迹照地明

主多雨水一日周分
憂兵起外國或有急

使

孝宗隆興元年七月壬寅熒惑辰星合於柳

占周分
赤地干

里又爲飢有覆車杀將在秋爲
兵或大旱是年有宿夷之敗

乾道九年三月辛丑火木合於柳

占云爲內亂臣有
謀又云當其野旱

以飢
七

明

萬曆十三年二月熒惑自張厯柳 四十二年十月

熒惑犯柳

崇禎三年二月熒惑自東井十六度過鬼入柳